

2. Ս. ԿՈՐԵՄԱՋՅԱՆ

ԹՈՒՐԿԻԱՅԻ ԴԻՐՔՈՐՈՇՈՒՄԸ ՍՈՎԵՏԱԿԱՆ ՄԻՈՒԹՅԱՆ ՆԿԱՏՄԱՄԲ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ՏԱՐԻՆԵՐԻՆ (1941—1943 ԹԹ.)

Երկրորդ համաշխարհային պատերազմի նախօրեին և պատերազմի տարիներին Թուրքիան, շնորհիվ իր ստրատեգիական և ռազմաքաղաքական բացառիկ կարևոր նշանակության, դարձավ իմպերիալիստական մեծ տերությունների քաղաքական մեծ ակտիվության նշանակետը։ Թուրքիան, իր հերթին, արտաքին քաղաքականության ասպարեզում համառորեն իր շահերն էր հետապնդում։ Այս հանգամանքը, հզոր տերությունների հետ Թուրքիայի հարաբերություններն ուսումնասիրելիս, շատ հաճախ բավարար ուշադրության չի արժանանում։ Այդ իսկ պատճառով մասամբ բացառվում է Թուրքիայի միանգամայն ինքնուրույն քաղաքականությունն վարելու հանգամանքը, իսկ թուրքական կառավարության քաղաքական անհետևողականությունը բացատրվում է տվյալ ժամանակաշրջանում քաղաքական այս կամ այն դաշինքի՝ «առանցքի» երկրների և կամ հակահիտլերյան կոալիցիայի ազդեցության ուժեղացմամբ։ Շատ զգայուն կերպով արձագանքելով ուժերի հարաբերակցության յուրաքանչյուր փոփոխությանը և հետևողականորեն «սրբագրելով» երկրի արտաքին քաղաքական դիրքորոշումը պատմական և միջազգային իրավիճակին համապատասխան՝ թուրքական կառավարությունը քաղաքականության կեռմաններում դրսևորել է որոշակի տրամաբանություն՝ պայմանավորված նախ և առաջ թուրքական կառավարող շրջանների ազգայնական, դասակարգային և կասկածաբարական տրամադրվածությամբ։

Անգլիական դիվանագիտության նշանակալից հաջողությունը պիտի համարել Թուրքիայի միացումը անգլո-ֆրանսիական դաշինքին՝ նախապատեքազմյան վերջին գարնանը²։ Արևմտյան երկրների հետ

համաձայնագիրը, որոնց ռազմական գերազանցությունը, «առանցքի», երկրների նկատմամբ թուրքական կառավարությունն այդ ժամանակ համոզված էր, թվում էր շահեկան է թուրքիայի համար, քանզի ուղեկցվում էր սովետա-թուրքական պայմանագրի կնքման բանակցություններով՝ ՍՍՀՄ-ի, Անգլիայի և Ֆրանսիայի միջև նախատեսվող համաձայնագրին զուգահեռ³։ Թուրքական կառավարությունը, հավանաբար, ենթադրում էր, որ սովետա-թուրքական պայմանագիրը կստեղծի իր համար բարենպաստ իրավիճակ. ՍՍՀՄ-ից թուրքիան կստանա անվտանգության առավել ազդեցիկ երաշխիք, իսկ ՍՍՀՄ-ի, Անգլիայի և Ֆրանսիայի միջև համաձայնագիրը կդյուրացնի մանևրումը Սովետական Միության և արևմտյան երկրների միջև և միաժամանակ թույլ կտա հետևելու վերջիններս՝ ՍՍՀՄ-ի դեմ գերմանական ագրեսիա հրահրելու մյուսխենյան կուրսին։ Սակայն թուրքական կառավարությունը, որոշելով չսպասել սովետա-անգլո-ֆրանսիական բանակցությունների ավարտին, ՍՍՀՄ-ից առանձին, պայմանավորվեց Անգլիայի և Ֆրանսիայի հետ։ Անգլիան և Ֆրանսիան, հավատարիմ իրենց հակասովետական քաղաքականությանը, Սովետական Միությանը կանգնեցրին Գերմանիայի հետ չհարձակվելու պայմանագիր կնքելու անհրաժեշտության առջև։ 1939 թ. օգոստոսի 23-ի սովետա-գերմանական պայմանագրի կնքմամբ արմատապես փոխվեց միջազգային իրավիճակը⁴։ Այն օբյեկտիվ հնարավորություն տվեց թուրքիային, Սովետական Միության հետ բարեկամական հարաբերություններ պահպանելով հանդերձ, բռնկվող միջազգային կոնֆլիկտի ժամանակ⁵ մնալ չեզոք՝ չհարելով պատերազմող իմպերիալիստական խմբավորումներից և ոչ մեկին։ Սակայն թուրքական կառավարությունը չօգտագործեց այս հնարավորությունը և 1939 թ. հոկտեմբերի 19-ին՝ դաշնագիր ստորագրեց Գերմանիայի հետ արդեն պատերազմական վիճակում գտնվող Անգլիայի և Ֆրանսիայի հետ⁶։

Այլ կերպ ավարտվեցին Մոսկվայում տեղի ունեցող սովետա-թուրքական երկկողմանի փոխօգնության բանակցությունները։ Համաշխարհային պատերազմի մեջ ներքաշվել չցանկացող Սովետական Միության պայմանները թուրքական կողմը հրաժարվեց ընդունել⁷։ Անգլո-ֆրանս-թուրքական դաշնագրի ստորագրումը և Թուրքական կառավարության դիրքորոշումը սովետա-թուրքական բանակցությունների ժամանակ զգալիորեն բարդացրին սովետա-թուրքական հարաբերությունները, որոնք, սակայն, շարունակում էին կարգավորվել 1925 թ. բարեկամության և չեզոքության պայմանագրի համաձայն։

Այսպիսով, երկրորդ համաշխարհային պատերազմի սկզբին Թուրքիան Անգլիայի և Ֆրանսիայի չպատերազմող դաշնակցի դիրք էր գրավել և մնաց այդպիսին մինչև 1940 թ. ամառը, ավելի ստույգ՝ մինչև Ֆրանսիայի պարտությունը։ Այնուհետև, պատերազմական հաջորդ տարվա ընթացքում՝ 1940 թ. հունիսից մինչև 1941 թ. մայիսը Թուրքական կառավարությունը պահպանում է Անգլիայի նկատմամբ բարեհաճ չեզոքություն։ 1941 թ. հունիսից Թուրքիայի արտաքին քաղաքականության զարգացման նոր շրջան է սկսվում։ Մինչ Հայրենական մեծ պատերազմի տարիներին Սովետական Միության նկատմամբ Թուրքիայի կառավարող շրջանների քաղաքականության հարցին անդրադառնալը, հարկ ենք համարում նշել Թուրքական դիվանագիտության հակասովետական բնույթը՝ ՍՍՀՄ-ի վրա Գերմանիայի հարձակումից առաջ։

Այդ է վկայում 1940 թ. գարնանը անգլո-ֆրանս-թուրքական բանակցությունների բովանդակությունը⁸։ Թուրքական կառավարող շրջանները աջակցում էին դաշնակիցներին և բաժանում նրանց հակասովետական ծրագրերը, թաքցնելով իրենց շահագրգռվածությունը արևմուտյան տերությունների Սովետական Միության ներխուժման հարցում (սովետա-ֆիննական պատերազմի առնչությամբ)։ Թուրքիայի միակ ցանկությունն էր իրեն չկապել ՍՍՀՄ-ի դեմ պատերազմական գործողություններին անմիջական մասնակցության պարտավորություններով, պատճառաբանելով Թուրքական բանակի ոչ ժամանակակից սպառազինության և Անգլիայի՝ այդ բացը վերացնելու անկարողության փաստով⁹։ Նա ցանկանում էր, Անգլիան և Ֆրանսիան, սկսելով պատերազմը ՍՍՀՄ-ի դեմ, առանց Թուրքական կառավարության պաշտոնական համաձայնության իրագործեն իրենց ռադմաօդային ուժերի տարանցումը¹⁰։ Թուրքական կառավարության կարծիքով ՍՍՀՄ-ի հաղթանակի դեպքում Թուրքիայի նման դիրքորոշումը բավականին պարկեշտ կնկատվեր։ Հակառակ դեպքում, Թուրքիայի ոչ պաշտոնական համաձայնությունը և լուռ համագործակցությունը մոռացության չէլ մատնվի Անգլիայի և Ֆրանսիայի կողմից։ Փառալույսից չվախենալով, որ Թուրքական կառավարող շրջանները, Սովետական Միության դեմ պատերազմից անչափ վախենալով հանդերձ, Կովկասի նկատմամբ զավթողական ծրագրեր են փափափել¹¹։ Ֆինլանդիայի հետ Սովետական Միության խաղաղության դաշնագրի կնքումը հօդս ցնդեցրեց արևմուտյան տերությունների և Թուրքիայի հաշվարկները։

Թուրքական դիվանագիտության հակասովետական էությունը ավելի ցայտուն դրսևորվեց 1941 թ. մայիս-հունիս ամիսներին գերմանա-թուրքական բանակցությունների ժամանակ։ Թուրքական կառավարությունը բանակցությունների ընթացքում Սովետական Միության նկատմամբ բացառիկ անբարյացակամություն հանդես բերեց։ Այսպես օրինակ, Թուրքիայի արտաքին գործերի մինիստր Սարաջօղլուն Թուրքիայում Գերմանիայի դեսպան Պապենին հայտարարեց, որ Գերմանիան «Մարդկությունը ծառայած կլինի, եթե կործանի ժամանակակից Ռուսաստանը և ընդմիջող վերացնի բոլշևիզմը»¹²։ Պրեզիդենտ Իսենյուն և Սարաջօղլուն հավաստիացնում էին, որ սովետա-գերմանական կոնֆլիկտի դեպքում Թուրքիան Գերմանիայի կողմում կլինի¹³։ Բանակցությունների ամբողջ ընթացքը ուղեկցվել է նման հայտարարություններով¹⁴։ Թուրքական կառավարությունը կանգ չառավ նաև իր պատրաստակամությունը հայտնելու և թուլլատրելու՝ նախատեսվող գերմանասովետական պատերազմի ժամանակ ցանկացած թվով զինվորներով բեռնավորված գերմանական առևտրական նավերի անցումը նեղուցներով¹⁵։ ՍՍՀՄ-ի վրա Գերմանիայի ներխուժումից մեկ օր առաջ, հունիսի 21-ին, Թուրքիայի արտաքին գործերի մինիստրության գլխավոր քարտուղար Ն. Մենեմենքիօղլուն ամերիկյան դեսպանին հայտարարեց այն մասին, որ Թուրքիայի հետ բարեկամության և չհարձակվելու պայմանագիրը, իրենց կարծիքով, անհրաժեշտ էր Գերմանիային՝ ապահովելու իր բալկանյան թևը՝ ՍՍՀՄ-ի դեմ հնարավոր ագրեսիայի դեպքում։ Նման իրավիճակում Թուրքական կառավարությունը հնարավոր է համարում խոստանալ Գերմանիային, որ չի հարձակվի նրա վրա¹⁶։

Անգլիան, որ Թուրքիայի միջոցով տեղյակ էր Գերմանիայի հետ նրա բանակցությունների ընթացքին, սկզբունքորեն դեմ չէր գերմանա-թուրքական դաշնագրի ստորագրման՝ այն համարելով անհրաժեշտ տուրք Գերմանիային՝ Սովետական Միության վրա հարձակվելու համար և դիտելով որպես պատերազմին ռեյսի դիվանագիտական նախապատրաստման մի մասը¹⁷։

Այսպիսով, Գերմանիայի՝ Սովետական Միություն ներխուժելուց դեռ շատ առաջ ակնհայտ էր, որ Թուրքական դիվանագիտության առանցքային ուղղությունը հակասովետիզմն է։ Թուրքական կառավարող շրջանները պատրաստ էին օժանդակելու ուժածդ իմպերիալիստական դաշինքի ագրեսիային՝ ՍՍՀՄ-ի դեմ։

Ավելին, բարձր գնահատելով ՍՍՀՄ-ի ռազմական ուժը¹⁸, թուրքական կառավարությունը նման դեպքում լավագույնն էր համարում անգլո-գերմանական, կոնֆլիկտի փոխզիջողական կանոնավորումը: «Մենք վախենում ենք, որ եթե գերմանա-ռուսական ընդհարումները տեղի ունենան մինչև Անգլիայի հետ Գերմանիայի փոխմբռնումը, պատերազմը տարիներ կտևի և նրա ավարտին երկիրը հյուծված և ավերված կլինի: Արդյունքը կլինի Եվրոպայի բոլըկիացումը», — պնդում էին թուրք քաղաքագետները¹⁹:

Թուրքիայի արտաքին քաղաքական գծի վերը նշված առանձնահատկությունները և մի շարք այլ նկատառումներ հանգեցրին այն բանին, որ արդեն 1941 թ. հունիսի 22-ի նախօրեին Թուրքիան յուրաքանչյուր պատերազմող կողմի հետ պաշտոնապես դաշնակից էր կամ բարեկամական հարաբերությունների մեջ էր, որոնք, ինչ խոսք, զբաղվարության միջոցով միմյանց:

Սովետական Միության վրա Գերմանիայի հարձակման առիթով թուրքական բուրժուազիայի խանդավառությունը անպատշաճության աստիճան այնքան մեծ էր, որ Սաքաջօղլուն ստիպված էր հունիսի 22-ին անջատել հեռախոսը՝ աղատվելու համար այն անթիվ անհամար շնորհավորանքներից, որ ուղղված էին գերմանա-թուրքական պայմանագիրը ճիշտ ժամանակին կնքելու, ինչպես նաև դրան հետևած ՍՍՀՄ-ի վրա Գերմանիայի հարձակման առիթով²⁰: Այդ լուրը ուրախության մեծ հունեց նաև պրեզիդենտ Իսենյուն²¹: Նույնիսկ այն բանից հետո, երբ հայտնի դարձավ Անգլիայի դիրքորոշումը, թուրքական կառավարությունը Գերմանիայի նկատմամբ հետագա բարեհաճ քաղաքականության խոստումներ տվեց և պատրաստակամություն հայտնեց արդեն ներկայումս հնարավորին չափ օգնել ռեյխին: Նա խոստացավ Գերմանիային հայտնել ՍՍՀՄ-ի սեփական այն բոլոր գործողությունների մասին, որոնք հայտնի կլինեն Թուրքիային: Հավաստիացրեց, որ կարգելի սովետական ռազմանավերի անցումը նեղուցներով, ինչպես նաև թույլ չի տա ռազմական նյութերի տարանցումը ՍՍՀՄ²²: ՍՍՀՄ-ի նկատմամբ թուրքական կառավարող շրջանների վերաբերմունքը և սուր հակասովետիզմը ի հայտ եկան նաև թուրքական մամուլի ելույթներում:

Գերմանա-սովետական պատերազմի հետ Թուրքիայում ուժեղացան պանթուրքիստական²³ կազմակերպությունների և նրանց հարող մուսուլմանական սպիտակ էմիրախտական կենտրոնների գործունեություն:

ները: Պանթուրքիզմի գաղափարները բաժանում էին թուրքական բազմաթիվ քաղաքական ու գինվորական գործիչներ²⁴, որոնք սակայն Լեթ-թուրքի ժամանակից պաշտոնապես ժխտվում էին թուրքական կառավարության կողմից: Գերմանիային ի գիտություն ներկայացված պանթուրքիստական ծրագրերը, ի մի են բերված Գերմանիայի արտաքին գործերի մինիստրության քաղաքական բաժնի ղեկավար Վերմանի կողմից՝ հետևյալ կերպ. «Պանթուրքիստական շարժումը նպատակ ունի ստեղծել անկախ պետություններ բոլոր թուրքական ժողովուրդներե համար, որոնք ապրում են այսօրվա Թուրքիայի տարածքից դուրս: Այսպիսով, այս տարածքները չեն կարող բռնի միացվել, բացառելով սահմանները հայտնի փոփոխությունները, սակայն քաղաքականորեն պիտի կառավարվեն Թուրքիայի կողմից... Այսօրվա սովետական տարածքների վերաբերյալ պահանջները վերաբերում են գլխավորապես Ադրբեջանին, Դաղստանին, ինչպես նաև Ղրիմին, Վոլգայի և Ուրալի միջև ընկած հսկա տարածությունը, որը ձգտում է հյուսիս՝ մինչև Թաթարական Սովետական Հանրապետություն... Բացի դրանից, այդ տարածքի մեջ են մտնում ողջ հին Թուրքեստանը՝ ներառյալ նախկին Արևելյան Թուրքեստանի Արևմտյան մասը՝ այսօրվա Սինցզյանը... Բացի դրանից, Նուրին²⁵ պահանջում է Իրանի հյուսիս-արևմտյան մասը մինչև Համադան... Կասպից ծովի վերին մասը սովետական հին սահմանով: Վերջապես այստեղ ներառվում են Լիբիի տարածքից Կիր-կուկը և Մոսսուլը, ինչպես նաև մի շերտ Սիրիայից»²⁶: Այսպիսով, պանթուրքիստների հավակնություններն ունեին ոչ միայն հակասովետական, այլև հակաարաբական և հակաիրանյան ուղղվածություն: Նուրի փաշան հայտնեց, որ Թուրքիայում այս գաղափարները մեծ տարածում ունեն, և շարժման մեջ ներգրավված անձանց թվում է «Կովկասյան ռազմաճակատի հրամանատարը», իսկ «բանակի մեծ մասը համակրում է նրանց»: Նուրի փաշան ընդգծեց, որ թուրքական կառավարության թիկունքում չէ որ գործում է: Այդ մասին նա տեղեկացրել է պրեմիեր մինիստր Սալդամին նախքան իր Բեռլին ուղևորությունը: Գնահատելով այդ շարժման զարգացման հեռանկարները, նա այնքան հեռու չմտ, որ նույնիսկ հայտարարեց. «Համապատասխան հարմար պահի իշխանության գլուխ, անկասկած, կանցնի մի կառավարություն, որը կընդունի այս գաղափարները»²⁷:

Գերմանիայի վերաբերմունքը չուսպ էր, և Նուրի փաշան «ինչ-որ չափով հիասթափված էր», որ իր առաջարկությունը «առանց խանդա-

վառության» ընդունվեց Գերմանիայի արտաքին գործերի մինիստրության կողմից²⁸։ Նոյեմբերի կեսերից Գերմանիայի հետաքրքրությունը պանթուրքիստական շարժման նկատմամբ ավելի նվազեց և պանթուրքիստների օգտագործումն էլ սահմանափակ դարձավ։ Այդ ժամանակաշրջանում Հիտլերն արտահայտեց իր վերաբերմունքը պանթուրքիստների նկատմամբ։ Պանթուրքիստական գաղափարների հրահրումն ուղված ռուսների դեմ, հակասում էր գերմանական շահերին։ «Մեր նպատակը պիտի լինի այնտեղ հաստատել նախ և առաջ մեր վերահսկողությունը և երկրի կաղմակերպումը հանուն մեր նպատակների, իսկ աղգային համերաշխության զգացումի արտահայտությունը մեզ ամենից քիչ է պետք»²⁹։

Թուրքիայի կառավարությունը ոչ միայն դեմ չէր թուրքական ազգություններին պատկանող և մյուս մուսուլման գերիների կենտրոնացմանը հատուկ ճամբարներում, այլև ողջ պատերազմի ընթացքում նպաստել է ՍՄՀՄ-ի դեմ լրտեսության կազմակերպմանը։

Որ չափով որ Դր համար թուրքական կառավարությունը անվտանգ էր համարում, նա նպաստել է Գերմանիային ՍՄՀՄ-ի դեմ պատերազմի ընթացքում, գնալով անգամ միջազգային չափանիշների խախտման։ Ինչպես հայտնի է, 1941 թ. հուլիս-օգոստոս ամիսներին Թուրքիան թույլ տվեց գերմանական «Ջեմֆալկե» և իտալական «Տարվիդիոյ» պահանջարկական նավերի անցումը նեղուցներով³⁰։ Հիշատակության է արժանի թուրքական կառավարության բացասական վերաբերմունքը անգլիական և սովետական զորքերի Իրան մտցնելու առիթով³¹, թեև այն օբյեկտիվորեն հօգուտ Թուրքիայի էր։

Այդ շրջանում թուրքական չեզոքությունը փաստորեն հանգում էր այն բանին, որ Թուրքիան չէր ցանկանում Գերմանիայի հետ ռազմաքաղաքական դաշինք կնքել։ Մի բան, որին համառորեն ձգտում էր ռեյխը մինչև 1942 թ. ամառվա վերջը։ Այստեղից էլ հետևում է Անգլիայի ու Գերմանիայի միջև հնարավոր և անհրաժեշտ դաշինքի վերաբերյալ թուրքական կոնցեսյանի հետագա զարգացումը։ Եթե նախնական տարբերակում այն հնարավոր էր ՍՄՀՄ-ի վրա նրանց միաժամանակյա հարձակումով, ապա նույն այդ տարբերակի ավելի ուշ խմբագրությամբ նման դաշինքը հնարավոր էր ՍՄՀՄ-ի պարտությունից անմիջապես հետո փոխդիզողական հաշտության միջոցով³²։ Զհասնելով այն բանին, որ Թուրքիան հանդես գա «առանցքի» կողմից, Գերմանիան ստիպված էր բավարարվել՝ Թուրքիային առաջարկելու՝ կենտ-

րոնացնել իր զորքերը սովետա-թուրքական սահմանում: Այն նշանակում էր անուղղակի կերպով ապահովել Կովկասում առաջիկա ռազմական գործողությունների օժանդակությունը: Թուրքական կառավարությունը համաձայնեց³³, քանզի ՍՍՀՄ-ի սահմանում զորքերի կենտրոնացումը բացի Գերմանիային աջակցելուց, առաջին հերթին համապատասխանում էր թուրքական կառավարող շրջանների ցանկություններին, այն է՝ Սովետական Միության պարտության պահին և կամ անմիջապես հետո՝ բռնի միացնել Սովետական Անդրկովկասը³⁴: 1942 թ. աշնանն արդեն այստեղ կենտրոնացել էին թուրքական 26 դիվիզիաներ, որոնց պատճառով Անդրկովկասում պահվեց սովետական զորքերի մի նշանակալի մասը: Այն նպաստեց գերմանական ուժերի հաջողությունը Ռոստովում, նրանց առաջխաղացմանը դեպի Կուրան, Մայկոպի նավթային դաշտերի զավթմանը և այլն³⁵: Ի պատասխան 1942 թ. ամռանը ռեյխի նրա հետ ռազմական-քաղաքական դաշինք կնքելու համարյա ուղտիմադրիվ³⁶ պնդմանը՝ Թուրքիան, հրաժարվելով հանդերձ, նորից ու նորից պնդում էր թուրքական կառավարության անփոփոխ թշնամական վերաբերմունքը Սովետական Միության նկատմամբ: Մենեմենքիօղլուն հայտարարեց, որ «Թուրքիան, ինչպես նախկինում, այնպես էլ այժմ, չափազանց որոշակիորեն շահագրգռված է բոլշևիկյան Ռուսաստանի հնարավորին չափ լիակատար պարտությանը...»³⁷: Սարաջօղլուն արդեն որպես պրեմիեր մինիստր, իր համոզմունքն հայտնեց, որ «Ռուսական պրոբլեմը կարող է լուծվել Գերմանիայի կողմից միայն այն դեպքում, եթե ապանվի Ռուսաստանում ապրող ռուսների առնվազն կեսը»³⁸: «Ռուսաստանի կործանումը, — շարունակում էր Սարաջօղլուն, — ֆյուրերի հերոսությունն է, որի նմանը կարող է հարյուր տարին մեկ կատարվել և այն թուրքերի էլ վաղեմի երազանքն է»³⁹: Միևնույն ժամանակ Թուրքիան կտրականապես դեմ էր Գերմանիայի կողմից Կովկասի զավթմանը⁴⁰: Այն ոչ մի կերպ չէր համապատասխանում նրա շահերին: Այդ ժամանակ, ոչ միայն թուրքական կառավարությունը, այլև պանթուրքիստական և կովկասյան էմիգրանտական կազմակերպությունների գործիչները արդեն համոզվեցին, որ Գերմանիան բոլորովին էլ հակված չէ ստեղծելու կովկասյան անկախ պետություններ, առավել ևս թույլ չի տա այդ շրջաններում մի երրորդ պետության որևէ ազդեցություն⁴¹: Հարկ է նշել, որ փաստաթղթերը հավաստում են Թուրքիայի փորձերը՝ բանակցություններ վարելու Անգլիայի հետ՝ Սիրիայում իր տարածքային ձգտումները բավարարելու վերաբերյալ⁴²:

Իր հերթին, անգլիական կառավարությունը դիմեց Սովետական Միությանը առաջարկով՝ ուղարկել իր զորքերը Բաքվի պաշտպանությանն աջակցելու համար⁴³։

Թուրքիայի դիրքորոշումը 1942 թ. ամռանը և աշնանը, թույլ է տալիս ենթադրելու, որ թուրքական կառավարությունը, Սովետական Միության պարտության պահին կամ անմիջապես հետո, անգլո-գերմանական կոմպրոմիսի հույսով, պատրաստ էր օկուպացնելու կովկասյան շրջանը, գուցե և հավակնելով Անգլիայի փոխըմբռնողությանը։ Քանզի նման իրավիճակում թուրքական զորքերի առաջխաղացումը նախ և առաջ պիտի նշանակեր նոր ամրակետի առաջացում Մերձավոր և Միջին արևելքի բրիտանական տիրույթների ճանապարհին։

Այս կամ այն կերպ, Թուրքիան կենտրոնացնելով իր զորքերը Սովետական Միության սահմանի վրա և ՍՍՀՄ-ի պարտության դեպքում պատրաստ լինելով ներխուժելու Կովկաս, սպասում էր դեպքերի հետագա զարգացմանը⁴⁴։

Թուրքիան, 1943 թ. գարնանը, որոշակի քայլեր կատարեց մերձենալու համար Անգլիային, ԱՄՆ-ին։ Նա նույնիսկ մտահոգություն է ցուցաբերեց ՍՍՀՄ-ի հետ իր հարաբերությունների վիճակի նկատմամբ։ Թուրքական դիրքորոշման նման փոփոխությունները հարուցված էին սովետա-գերմանական ճակատում գերմանական բանակի պարտությամբ, թեև թուրքական կառավարող շրջանները շարունակում էին փայփայել այն հույսը, թե Գերմանիան կկարողանա ռենդարձակ մի օպերացիայով վերջին և ուժգին հարված հասցնելու սովետներին⁴⁵։ Թուրքական քաղաքականության հակասովետիզմը արդեն հիմք հանդիսացավ անգլո-թուրքական փոխըմբռնման համար։ Այս իմաստով շատ բնորոշ են Ադանայում 1943 թ. հունվարի 30—31-ին Անգլիայի պրեմիեր մինիստր Վ. Չերչիլի և Թուրքիայի պրեմիեր մինիստր Շ. Սաբաջողուի միջև տեղի ունեցած բանակցությունները։ Այստեղ եկան նաև պրեզիդենտ Իսենյուն, մարշալ Չաքմաքը, արտաքին գործերի մինիստր Ն. Մենեմենջիօղլուն⁴⁶։ Թեև Ադանայի կոնֆերանսի արդյունքներն առաջին հայացքից հիասթափեցնող էին թվում Անգլիայի համար, և թուրքական կառավարությունը Անգլիային ոչ մի հիմք չէր տվել ենթադրելու, թե ինքը երբևէ կմտնի պատերազմի մեջ, այսուհանդերձ Չերչիլը թուրքական քաղաքականության հետագա զարգացման վերաբերյալ լի էր լատիսեսության⁴⁷։

Ավելին, Չերչիլը ստիպված էր հանգստացնել թուրքական պետական գործիչներին, խոստանալով անգլիական պառլամենտում բացահայտորեն հայտարարել թե ինքը «առաջարկել է Թուրքիային զենքի անհատույց մատակարարում», որ ինքը «հույս ունի, թե Թուրքիան հավատարիմ կմնա Անգլիայի հետ պայմանագրին», և որ ինքը «ցանկանում է պատերազմից հետո ևս Թուրքիան շարունակի մնալ անվտանգության ու կարգի այնպիսի մի ամրոց, որի վրա Անգլիան կարողանա հենվել, բայց և որ այդ խնդրի լուծման համար, նա համապատասխան ուժով ապահովված պիտի լինի»⁴⁸:

Ինչ վերաբերում է իրերի իսկական դրությանը, ապա Չերչիլը առաջ քաշելով երկրորդ ճակատի «բալկանյան տարբերակը», որն իր բնույթով ոչ պակաս հակասովետական էր, քան հակազեմանական և իր հաշվարկներով կոչված էր միաժամանակ դուրս շարժել Գերմանիային այդ շրջանից և փակել սովետական զորքերի մուտքը Եվրոպա, հասկանում էր, որ դա չի հաջողվի առանց Թուրքիայի աջակցության: Ուստի նա Ադանայում ձգտում էր ապահովել թուրքական կառավարության աջակցությունը առաջին հերթին հենց այս ծրագրի իրականացման համար: Որպեսզի սովետական կառավարությանը որևէ կերպ բացատրի Թուրքիային ծայր աստիճան ուժեղացնելու և զինելու Անգլիայի ձգտումը, Չերչիլն աշխատում էր հավատացնել Սովետական Միությանը, որ Թուրքիայի մուտքը պատերազմ հակահիտլերյան կռաւիցիայի կողմից՝ ռեալ է⁴⁹: Հետաքրքրական է, որ այդ ժամանակ «արբանյակ» երկրների բազմաթիվ պետական գործիչներ համոզված էին, որ «Արևմտյան դաշնակիցները ավելի շահագրգռված էին կանխելու սովետական ուժերի մուտքը Եվրոպա, քան թե ոչնչացնելու հիտլերյան ռեժիմը»⁵⁰: Նրանք հասկանում էին, որ Սովետական Միությունը պատճառներ ունի անհանգստանալու համար Թուրքիայի զինումից: Ադանայի կոնֆերանսի առիթով շատ բնորոշ է Անկաբայում հունգարական դեսպանորդ Վերնլոյի կարծիքը. «Այլ բան է, թե ինչպես կվերաբերվի այդ կոնֆերանսին Ստալինը, որն արդեն բողոք էր հայտնել Վաշինգտոնում Թուրքիային զինելու դեմ, իրավամբ գտնելով, որ ի վերջո այն իր դեմ է ուղղված»⁵¹: Ինչպես հաստատում է իր հուշերում Թուրքիայի Ռումինիայի նախկին դեսպանորդ Կրեցյանով, Ադանայի բանակցություններում Անգլիայի և Թուրքիայի գլխավոր շտաբների բարձրագույն ներկայացուցիչների մասնակցությամբ Բալկանյան երկրների կողմից գնահատվել է որպես կարևոր փուլ երկրորդ ճակատի «բալկանյան

տարբերակի» նախապատրաստման գործում⁵²։ Ինչ վերաբերում է թուրքական պետական գործիչներին, ապա նրանց մեջ՝ հակահիտլերյան կռաւիցիայում հնարավոր ճեղքվածքի հույս ծագեց՝ դրանից բխող արդյունքներով։ Ադանայի բանակցությունների ընթացքում Չերչիլի դիրքորոշումը թուրքական կառավարութլունը դիտեց որպես «Թուրքիայի հետ համագործակցելու լոռդոնի ձգտում՝ միասին կանխելու հեղափոխական շարժումների զարգացումը Բալկաններում և րալկանյան երկրների ազատագրումը Սովետական բանակի կողմից»⁵³։ Ինչպես վկայում է Չերչիլը, իր հետ զրույցի ժամանակ, Թուրքիայի պրեմիեր մինիստրը հայտարարել է, թե «ողշ Եվրոպան սլավոններով և կոմունիստներով լեցուն է» և ավելացրել. «Թե Գերմանիան ջախջախվի, բոլոր պարտված երկրները կդառնան բոլշևիկյան և սլավոնական»⁵⁴։

Մոտավորապես այդ նույն ժամանակ Ռումինիայի արտաքին գործերի մինիստր Ռ. Անտոնեսկուն Բուխարեստում իտալական դեսպանորդին հաղորդեց, զր «Թուրքական դեսպանը հատկապես այցելեց ինձ, որպեսզի հաղորդի, որ Ամերիկան և, մասնավորապես, Անգլիան Եվրոպա են շտապում՝ ավարտելու պատերազմը, սակայն ամեն կերպ կցանկանային հօգուտ Ռուսաստանի եվրոպական սիստեմի սապալումից խուսափել»⁵⁵։ 1943 թ. գարնանից Թուրքիան սկսեց ակտիվորեն նախ և առաջ դիվանագիտական մասնակցութլուն ցուցաբերել Չերչիլի փալպայած երկրորդ ճակատի ռալկանյան տարբերակի» նախապատրաստման գործում՝ թուրքական կառավարութլունը դիվանագիտական լարված ակտիվութլուն ցուցաբերել սկսեց Բալկանյան երկրներում «պետութլունների ինքնապաշտպանական» բռնկ, ստեղծելու նպատակով⁵⁶։ Նշված երկրների քաղաքական գործիչների մոտ աստիճանաբար թուրքական քաղաքականութլյան զարգացման հեռանկարի մասին որոշակի կարծիք սկսեց կազմվել։ «Մենք կարծում ենք,— հայտնում էր իր կառավարութլյանը հունգարական դեսպանորդը Սոֆիայում,—որ Թուրքիան հանդես կգար միմիայն այն դեպքում, եթե անգլիական և ռուսական ուժերի ճնշման ներքո գերմանացիները ստիպված լինեին հանելու իրենց զորքերը էգեյան ծովի կղզիներից և Բալկանյան թերակղզուց։ Թուրքիան, որին կաջակցեին անգլիական զորքեր, գերմանացիների գնալուց հետո առաջացած դատարկութլունը կլցնեի խաղաղ օկուպացնելով Բալկանները։ Թուրքիան այնտեղ կմնար մինչև Բալկանյան թերակղզու քաղաքական վերակազմավորման ավարտը։ Այդ

ժամանակաշրջանում կազմարտվեր հարավ-արևելյան բլոկի ձևավորումը, որի մեջ կմտնեին և Հունգարիան»⁵⁷։

Թուրքական կառավարությունը լիարժեք ըմբռնում և արձագանք գտավ Բալկանյան երկրների կառավարող շրջաններում, որոնք առիթ էին փնտրում պայմանավորվելու արևմտյան դաշնակիցների հետ։ Թուրքական բանակցությունները զնալով ավելի ընդարձակ բնույթ էին կրում։ Նրա դիվանագիտական աշխուժությունը ընթանում էր անգլո-թուրքական շտաբների բանակցություններին զուգահեռ՝ համաձայն Ադանայում ընդունված որոշումների⁵⁸։ Երկրորդ ճակատի «բալկանյան տարբերակի» հետ կապված Զերչիլի ծրագրերի խորտակումը վերջ տվեց այս ուղղությամբ թուրքական կառավարության գործունեությանը։

Գնալով աճում էր ԱՄՆ-ի և Անգլիայի ճնշումը՝ հասնելու այն բանին, որ Թուրքիան մասնակցի պատերազմական գործողություններին⁵⁹, իսկ ավելի ուշ՝ Գերմանիայի հետ դիվանագիտական հարաբերությունների խզմանը և ռեյխի պատերազմ հայտարարելուն։ Այն պիտի ապահովեր Թուրքիայի անդամությունը Միավորված ազգերի կազմակերպությունում⁶⁰։ Առանց մանրամասն կանգ առնելու Սովետական Միության նկատմամբ Թուրքիայի ունեցած դիրքորոշման վրա, հարկ է նշել, որ սովետական զորքերի հաղթական առաջխաղացումը⁶¹ և ԱՄՆ-ի ու Անգլիայի վերը նշված որոշակի նկատառումներով աճող ճնշումը ստիպեցին Թուրքական կառավարությանը իր դիրքորոշումը համապատասխանորեն սրբագրելու⁶²։ Եվ վերջապես 1945 թ. փետրվարի 23-ին, Թուրքիան պատերազմ հայտարարեց Գերմանիային և Ճապոնիային՝ չթաքցնելով, որ անում է այն ԱՄՆ-ի և Անգլիայի ուղղակի ճնշման տակ⁶³։

Թուրքիայի դիրքորոշումը պատերազմական բոլոր տարիների ընթացքում, վկայում է թուրքական կառավարող շրջանների անփոփոխ հակասովետական դիրքորոշման, պանթուրքիզմին թուրքական պետական գործիչների նվիրվածության և թուրքական քաղաքական կուրսի բացառիկ շահագիտական էություն մասին։ «Սառը պատերազմի» տարիներին Թուրքիան ակտիվորեն ներգրավվեց նրա մեջ՝ մինչև օրս էլ շարունակելով մնալ իմպերիալիզմի և ռեակցիայի կարևորագույն պատվար Մերձավոր արևելքում։

ПОЗИЦИЯ ТУРЦИИ ОТНОСИТЕЛЬНО СОВЕТСКОГО СОЮЗА В ПЕРИОД ВЕЛИКОЙ ОТЕЧЕСТВЕННОЙ ВОЙНЫ (1941—1943 гг.)

Резюме

Анализ публикаций архивных документов различных стран позволяет проследить позицию турецких правящих кругов относительно Советского Союза в течение всех военных лет. Документы констатируют, что еще до нападения Германии на СССР, Турция, официально занимавшая позицию несвоего союзника Англии и Франции, разделяла и поддерживала антисоветские планы своих союзников, готовившихся к военному выступлению против СССР (в связи с советско-финляндской войной), питала захватнические планы относительно территории Кавказа.

Позиция Турции в течение 1941—1943 гг. свидетельствует об антисоветской направленности политики турецких правящих кругов, о приверженности турецких государственных деятелей идеям пантюркизма. Антисоветизм турецких правящих кругов носил не эпизодический характер, а был основным направлением их политики. Турция была готова содействовать агрессии против СССР любого империалистического блока—стран «оси» или западных держав,—рассчитывая осуществить аннексию территорий Кавказа в момент или непосредственно после поражения СССР в войне.

Последовательный антисоветизм турецкой политики позднее, в период «холодной войны», привел Турцию в лагерь империализма и реакции, чьим важнейшим оплотом на Ближнем Востоке она продолжает оставаться до сегодняшнего дня.

1 1939 թ. մայիսի 12-ին Թուրքիայի պրեզիդենտը Ազգային մեծ ժողովում և Անգլիայի պրեմիեր մինիստրը Համայնքների պալատում հայտարարեցին, որ Միջերկրական ծովի շրջանում ագրեսիայի դեպքում, Թուրքիայի և Անգլիայի կառավարությունները պատրաստ կլինեն համագործակցության և իրենց տրամադրության տակ գտնվող ամեն ինչ կօգտագործեն միմյանց օգնելու և աջակցելու համար: (Documents on British Foreign Policy, 1919—1939, Third ser., vol. V, doc. 506 (այսուհետ՝ DBFP)).

2 Дж. Батлер, Большая стратегия, Сентябрь 1939—июнь 1941, М., 1959, с. 81; DBFP, ser. D, vol. V, doc. 144; Akten zur Deutschen Auswärtigen Politik 1918—1945, Ser. D: 1937—1945, Bd. 6, Dok. 413 (այսուհետ՝ ADAP).

3 G. Gafencu. Last days of Europe, N. Y., 1948, p. 195—196.

- 4 «СССР в борьбе за мир накануне второй мировой войны». Документы и материалы, М., 1971, док. 234, 246, 265, 269, 273; «СССР и Турция. 1917—1979», М., 1981, с. 150—156; Н. Жуковский. На дипломатическом посту. М., 1973, с. 318—335.
- 5 Անգլո-ֆրանս-թուրքական պայմանագիրը ստորագրվեց հակառակ լայնորեն տարածված գտած այն կարծիքի, թե Թուրքիան ոչ մի պատճառ չունի հանդես գալու որևէ մեկի կողմից (ADAP, Ser. D. Bd. 7, Dok. 448: E. Vere—Hodge. Turkish Foreign Policy 1918—1950, London, 1951, p. 130).
- 6 Թուրքիան, ըստ պայմանագրի, խոստացել էր օգնել իր դաշնակիցներին, եթե նրանք Միջերկրական ծովի շրջանում ագրեսիայի հետևանքով ներթափվեն պատերազմի մեջ. Պայմանագրով շահատեսված ագրեսիայի դեպքում Թուրքիան, համաձայն նրանց կողմից տրված երաշխիքների, պարտավոր էր՝ ամենաթիվը, բարեհաճ չեզոքություն պահպանել: Անգլիան և Ֆրանսիան, իրենց հերթին, պարտավոր էին ամեն տեսակի օգնություն ցուցաբերել, եթե Թուրքիան հարձակման ենթարկվեր եվրոպական պետությունների կողմից և կամ այն դեպքում, եթե Թուրքիան ներթափվեր պատերազմի մեջ՝ Միջերկրական ծովի շրջանում ագրեսիայի հետևանքով: Պայմանագրին կից № 2 արձանագրությունը իրավունք էր վերապահում Թուրքիային հրաժարվելու իր պարտականություններից, եթե նրանց իրագործումը կարող էր Սովետական Միության դեմ պատերազմի մեջ ներթափել: (Great Britain Treaty of Mutual Assistance between His Majesty in Respect of the United Kingdom, the President of the French Republic and the President of Turkish Republic, Angora, October 19, 1939):
- 7 «Международное положение и внешняя политика СССР». Сб. документов и материалов, М., 1939, с. 170.
Ինչպես ցույց տվեցին այս բանակցությունները, Թուրքական կառավարությունը առաջարկելով Սովետական Միությանը փոխօգնության պայմանագիր կնքել՝ նկատի ունենալով Բալկանների և նեղուցների շրջանները, նախ և առաջ ձգտում էր չեզոքության քաղաքականություն վարող ՍՍՀՄ-ին անուղղակիորեն ներթափել Անգլիայի և Ֆրանսիայի հետ անուղղակի դաշինքի մեջ: Թուրքական կառավարության առաջարկած սովետա-թուրքական դաշնագրի հետևանքով ՍՍՀՄ-ը կարող էր ներթափվել Գերմանիայի և Իտալիայի դեմ պատերազմի մեջ՝ չունենալով որևէ երաշխիք Անգլիայի և Ֆրանսիայի կողմից: (История дипломатии т. IV., М., 1975, с. 23—24; СССР и Турция. 1917—1979, с. 154—156).
- 8 Տե՛ս՝ „Die Geheimakten des französischen Generalstabes“ (Auswärtiges Amt 1939/41, № 6), Berlin, 1941; Ի. Юрьев. Подготовка Англии и Франции к нападению на Советский Союз с юга в 1939—1940 годах, „Вопросы истории“, 1949, № 2; Я. К. Караосманоглу, Дипломат поневоле (Воспоминания и наблюдения), М., 1966.
- 9 Die Geheimakten..., dok. 20.
- 10 Die Geheimakten..., dok. 26, 23.
- 11 Die Geheimakten..., dok. 20.
- 12 Documents on German Foreign Policy 1918—1945 (այսուհետև՝ DGFP), Ser D: 1937—1945, vol. XII, doc. 514.

- 13 DGFP, ser. D, vol. XII, doc. 514, 523.
- 14 DGFP, ser. D, vol. XII, doc. 514, 523, 595.
- 15 DGFP, ser. D, vol. XII, doc. 556.
- 16 Foreign Relations of the United States. Diplomatic Papers (այսուհետև՝ FR), 1941, vol. 3. British Commonwealth. The Near East and Africa, Washington, 1959, p. 867. *Մաթեբրեյ չեյլին 1941 թ. 21—հուլիսի. Տե՛ս նաև Թուրքական ղեկավարի հետ չիտլերի գրուլյի գրառումը 1941 թ. հունիսի 10—ին.* („Satzmänner und Diplomaten bei Hitler“. Zweiter Teil, Frankfurt M., 1970. S. 53.- 541).
- 17 FR, 1941, vol. III, p. 854. H. Knatchbull—Hugessen, Diplomat in Peace and War, London, 1949, p. 169—170.
- 18 Թուրքական թերթերը յատանանում էին Սովետական Միության ազգական հղորությունը, „Ulus“, „Yeni Sabah“, „Tan“ և այլն՝ 1941թ. հունիսի 23—ից:
- 19 DGFP, ser. D, vol. XII, doc. 514.
- 20 L. Kreckel. Deutschland und die Türkei im Zweiten Weltkrieg, Frankfurt/Main, 1964, S. 190; DGFP, ser. D, vol. XII, doc. 670.
- 21 „Milliyet“, 8-10-1967.
- 22 DGFP, ser. D, vol. XIII, doc. 2: J. Glasneck, Die Türkei im deutsch-anglo-amerikanischen Spannungsfeld, J. Glasneck, I. Kirchseisen, Türkei und Afghanistan— Brennpunkte der Orientpolitik im zweiten Weltkrieg, Berlin 1968, p. 149.
- 23 Գերմանական փաստաթղթերում և գրականության մեջ հիմնականում օգտագործվում է «Թուրանիզմ» տերմինը:
- 24 Գերմանիայի Արտաքին գործերի մինիստրության ուղարկությունը հրախրելով այդ հարցի վրա, Պապենը նշում է, որ «Թուրքական կառավարող շրջանները գնալով ավելի շատ են սկսում զբաղվել թուրք-ռուսական սահմանի այն կողմում գտնվող իրենց հայրենակիցների, մանավանդ՝ ագրրենշանական թուրքերի ճակատագրով»։ („Документы Министерства иностранных дел Германии“, вып. 2. Германская политика в Турции (1941—1943), 1946, док. 10, с. 34) Դիվանոր շտաբի Ահադեմիայի պետ Ալի Ֆուադ Էրզեմը հավաստիացրեց Պապենին, որ Թուրքիան ղուհ կլիներ, եթե Կովկասում ստեղծվեր տեղի ժողովուրդների ֆեդերացիա փոքրիշատե կախված Թուրքիայից, իսկ Կովկասից Արևելք անկախ Թուրանական պետության կազմավորումը՝ լավագույնը կհանդիսանար որոշումներից: (DGFP, ser. D, vol. XIII, doc. 125. Պապենը Ռիբբենտրոպին, 1941 թ. հուլիսի 18—ին):
- Ավելի ուշ, Գերմանական արտաքին գործերի մինիստրության պետական քարտուղար Վեյցդեկերի հետ զրույցի ժամանակ, Բեռլինում թուրքական ղեկավար Երավականի բացահայտ սանկ էր այն մասին, որ հետագայում հնարավոր է Կովկասյան ժողովուրդներին միավորել մեկ բուֆերային պետության մեջ և անկարկել, որ Կասպից ծովից արևելք ևս հնարավոր էր ստեղծել անկախ թուրքական պետություն... Էրզեմը ընկալողեց շոշափել հիմնական հարցը՝ բնութագրելով Բաքուն որպես մի քաղաք, որ ողջ բնակչությունը խոսում է թուրքերեն: („Документы МИДа Германии“, док. 11, с. 40—41; DGFP, ser. D, vol. XIII, doc. 179. Վեյցդեկերը՝ Ռիբբենտրոպին, 1941 թ. օգոստոսի 5—ին):

- 25 Նույնիսկ Նուրի փաշան (Քըլըզըլ) էնվեր փաշայի եղբայրը, որը կազմակերպության ղեկավարներից էր, հասկանում էր, որ անհնարին է պահանջել Գերմանիայից Թուրքիային անմիջապես միացնելու արդեն գրավված կամ գարվելիք շրջանները:
- 26 DGFP, ser. D, vol. XIII, doc. 361. Վեոմանի 1941 թ. սեպտեմբերի 26-ի մեմորանդումը, տե՛ս նաև doc. 194. Ժանոթագրություն 5; doc. 238; „Документы МИДа Германии“, док. 10, с. 34—39.
- 27 DGFP, ser. D, vol. XIII, doc. 361. Թուրքիայում պանթուրքիստական կազմակերպությունների գործունեության մասին տե՛ս Ք. Ք. Кондакчян. Внутренняя политика Турции в годы второй мировой войны, 1978, с. 164—219:
- 28 Գերմանիային նախ և առաջ զսպում էր իր և Թուրքիայի միջև սերտորեն դաշնակցելու հարցում պաշտոնական կառավարող շրջանների դիրքորոշման և պանթուրքիստական կազմակերպությունների գործունեության միջև եղած տարակարծությունը: Գերմանիային շահավետ չէր նաև պանթուրքիստների ծրագրերը: (Տե՛ս „Нюрнбергский процесс“, Сб. материалов в семи томах, т. II, с. 584) Դիրքենարության ուղղված իր հուշագրում Վեոմանը՝ համահնչուն Հիտլերի գաղափարներին ուղղակիորեն նշում է. «Սովետական Միության պարտությունից հետո նախկին Ռուսաստանի տարածքը պետք է գտնվի միմիայն Գերմանիայի, ոչ թե այլ պետությունների տիրապետության ներքո»: «Նավթային շահերի տեսակետից» Վեոմանը անցանկալի էր գտնում Սոսուլի շրջանի հանձնումը Թուրքիային, թեև որոշակի հանգամանքների դեպքում հնարավոր էր համարում նման քայլը: Մինչդեռ Բաթումի և Բաքվի շրջանների Թուրքիայի ձեռքն անցնելը միանգամայն բացառում էր: (DGFP ser. D, vol. XIII, doc. 361).
- Բերևս միայն Թուրքեստանում էր հնարավոր համարում «բաշալերել Թուրքիային դաշնակից Թուրքական պետության ստեղծումը»:
- 29 DGFP, ser. D, vol. XIII, doc. 475. Հեվելի 1941 թ. նոյեմբերի 15-ի մեմորանդումը:
- Հետագա ողջ ժամանակաընթացքում Գերմանիայի արտաքին գործերի մինիստրությունը, աշակցելով և ֆինանսավորելով պանթուրքիստական կազմակերպություններին՝ նրանց օգտագործել է Թուրքական կառավարության վրա ճնշում գործադրելու և լրտեսության համար: („Новейшая история Турции“, М., 1968, с. 191).
- 30 «Внешняя политика Советского Союза. 1946 год». 1952, с. 167—168.
- 31 Дж. Батлер, Дж. Гуайер. Большая стратегия. Июнь 1941—август 1942, М., 1967, с. 155.
- 32 1941—43 թթ. Թուրք-գերմանական հարաբերությունների մասին մանրամասն տե՛ս Корхмазян Р. С., Турецко—германские отношения в годы второй мировой войны, Ереван, 1977, с. 91—133.
- 33 «Документы МИДа Германии», док. 16, стр. 58—59; док. 18, стр. 73; ADAP, Ser. E, Bd. 1, Dok. 97.
- 34 Գերմանա-ֆաշիստական զորքերի ջախջախումը Մոսկվայի մատույցներում, Սովետական Միության գեմ, «Էկսթրանային պատերազմի» ծրագրի խորտակումը, զույգ և առաջին անգամ Թուրքիային բերեց այն հետևություն, որ անգլո-ամերիկա-սովետական լիակատար հաղթանակը հնարավոր է: Այս տարբերակը նույնպես

«Թուրքիային նպատակահարմար չէր: Բացատրելով Թուրքական կառավարության զիջողությունը, Պապենը ղեկուցում էր Բեռլին. «... Հնարավոր՝ ելքը Սովետական Ռուսաստանի օգնությամբ անգլո-ամերիկյան դաշինքի լիակատար հաղթանակն է: Թուրքիայի կարծիքով դա համազոր էր Եվրոպայի լիակատար կործանման, քանզի իշխանության և ոչ էլ ԱՄՆ-ը ի վիճակի չեն լինելու կանգնեցնել ոչ ռուսների ճնշումը տարածքային հարցում և ոչ էլ կարողանալու են կանխել պատերազմից հյուժիժած, տանջված ու աղքատացած Եվրոպայի բուլճերիկացուն»:

(Документы МИДа Германии, док. 16, с. 55; ADAP, Ser. E, Bd. 1, Dok 97). Հակահայկերյան կոալիցիայի մասնակիցներից միայն Սովետական Միության պարտությունն էր շարունակում երազել Թուրքական կառավարությունը:

Այսպես, Մենենդեխոզյուն պնդում էր, որ ինքը և արտաքին գործերի մինիստր Սարաջոլլուն շրջանի անգլիացի բարեկամների մոտ կասկած անգամ չեն թողել, որ Թուրքիան ցանկանում է պարտված տեսնել սովետներին: Թուրքիան երբեք և ոչ մի տեսակետից չի կարող ցանկանալ, որ Ռուսաստանի հաղթանակի ղեկավարում, Եվրոպայում նոր կարգերի հաստատման ղեկավարում Սովետական Միությունը որոշակի ազդեցություն ունենա: Միևնույն ժամանակ, Թուրքական այդ հայացքների կոնկրետացումը այսօր քաղաքական ակտ կնշանակեր, որը Թուրքիան չի կարող իրեն թույլ տալ» (Документы МИДа Германии, док. 18, с. 72—73. Պապենը արտաքին գործերի մինիստրությանը 1912 թ. դեկտեմբերի 16: Դաղաքական գեկուլյո):

35 С. М. Штеменко, Генеральный штаб в годы войны, кн. I, М; 1968, с. 54. Այստեղ էր գտնվում սովետական 45-րդ բանակը: Իրանա-Թուրքական սահմանին կանգնած էր հրաձգային և տանկային բրիգադներով ուժեղացված 15-րդ հանձնազորային կորպուսը, եթե Թուրքիան Բաքվի վրա հարձակվեր Իրանի վրայով:

36 Գերմանական ղեկավանգետների հայտարարություններում կրկին երևան եկած սպառնալիքներն արդեն սոսկ սովորական գերմանական ղեկավանգիտական գործակալներ չէին: Դրանց ետևում սքողված էին գերմանական դիրքորոշման ղգտլի փոփոխությունները՝ Թուրքիայի հետ հետագա հարաբերությունների հարցում: 1942 թ. ամռանը Գերմանիայի արտաքին գործերի մինիստրությունը կազմեց մի ծավալուն փաստաթուղթ «Թուրքիայի դատապարտելի քաղաքականությունը «առանցքի» երկրների նկատմամբ՝ պատերազմում»: Այստեղ տեղ էին գտել Թուրքական կառավարության նկատմամբ ունեցած Գերմանիայի բոլոր պահանջները՝ սկսած 1939 թ. հոկտեմբերի 19-ի անգլո-ֆրանս-Թուրքական պայմանագրից: (DZA Potsdam, A. A., P. 1. № 61173, Bl. 82 ff.)

37 «Документы МИДа Германии», док. 26, с. 92: Պապենը՝ արտաքին գործերի մինիստրությանը, 1913 թ. օգոստոսի 26-ին:

38 «Документы МИДа Германии», док. 27, с. 98. Պապենը՝ արտաքին գործերի մինիստրությանը, 1912 թ., օգոստոսի 27-ին:

39 «Документы МИДа Германии», док. 27, с. 98.

40 «Документы МИДа Германии», док. 26, с. 91; док. 29, с. 110—111.

41 «Документы МИДа Германии», док. 25, с. 88. Դիտմանը՝ Տիպպել-սկիրին, 1912 թ. օգոստոսի 8-ին:

42 ADAP, Ser. E, Bd. 2, Dok. 120. Ռեբերենարտսը՝ Պապենին, 1912 թ. ապրիլի 8-ին:

45 «Переписка Председателя Совета Министров СССР с президентами США и премьер-министрами Великобритании во время Великой Отечественной войны 1941—1945 гг.». т. I, док. 77, с. 69. *Զեկերը՝ Բ. Վ. Ստալինին, 1942 թ. դեկտեմբերի 9-ին:*

44 1942 թ. դեկտեմբերի 25-ին Ռումինիայում Թուրքիայի դեսպան Թանրուվերը այդ երկրի պրեմիեր մինիստրի տեղակալի հետ զրույցի ժամանակ նշեց, որ «Ռուսաստանը, ինչպես և առաջներում, Թուրքիայի համար առաջին թշնամին է և որ Թուրքիան կշարունակի խիստ շեղոթություն պահպանելը»:

(«Документы МИДа Германии». док 32, с. 124).

45 J. Glascock, op. cit. s. 137.

Ստալինգրադի մոտ և Հյուսիսային Աֆրիկայում գերմանական բանակի պարտությունը Թուրքական կառավարող շրջաններում երկակի ռեակցիա առաջ բերեց: Գերմանական դեսպանի վկայությամբ, դաշնակիցների հաղթանակը էլ-Ալամինի մոտ, Թուրքիայի պետական գործիչների կողմից ընդունվեց «մեծագույն թեթևությամբ»: Քանզի նրանք, ինչպես նշում է Պապենը, երբեք երջանիկ չեն զգացել գերմանական բանակի մոտիկությունից իրենց երկրի հյուսիսում, արևմուտքում և հարավում: (F. von Papen, Memoirs, London, 1952, p. 493.)

Ընդհակառակը, Սովետական Միությունում գերմանական բանակի նահանջը Թուրքական կառավարող շրջաններում մեծ հիասթափություն առաջ բերեց: Թուրքիայի Գլխավոր շտաբի պետի տեղակալ Ասրմ Գյունուզը Գերմանիայի զինվորական կցորդից չէր թաքցնում «այն մեծ մտահոգությունը», որ «Ռեյխին երևի չի հաջողվի ավարտին հասցնելու գործողությունը Արևելյան ճակատում, որը պիտի ապահովեր եվրոպայի անվտանգությունը» («Документы МИДа Германии». док. 33, с. 126. Պապենը՝ արտաքին գործերի մինիստրությանը, 1942 թ. դեկտեմբերի 2-ին): Դաշնակիցների հաղթանակի նկատմամբ Թուրքիայի նման ռեակցիայի մասին է նշում Ստամբուլում գլխավոր հյուպատոս Զեյլերը: «Թուրքիան բոլորովին չէր ցանկանա տեսնել Անգլիայի դուրս մղումը Միջերկրական ծովից (Սոնզի նեղուցը), մյուս կողմից հաջողություններ է ցանկանում Ռուսաստանի դեմ մեր արշավանքի ժամանակ և անկեղծորեն մտահոգված է նրանով, որ շատ թե քիչ երկարատև պայքարում մեր ուժերը գուցե չբավականացնեն՝ հաղթելու համար ռուսներին: Այս իմաստով նա ավելի քիչ է շահագրգռված, քան երևե՛լ՝ քանզի պատերազմի վերջնական հաղթանակի վերաբերյալ Թուրքական տեսակետը ծայրաստիճան կասկածելի է»:

(«Документы МИДа Германии», док. 35, с. 132: *Զեյլերը՝ արտաքին գործերի մինիստրությանը, 1942 թ. դեկտեմբերի 9-ին:*)

46 «...Եթե անգլիական համաշխարհային կայսրության պրեմիեր մինիստրի այցը Թուրքիա ինքնին շատ նշանակալից դեպք է, ապա ավելի շատ մտածելու տեղիք է տալիս նրան ուղեկցող անձանց կազմը: Օրենքով, նման շրջախումբ ընդունված է ունենալ արտակարգ ուղղմական իրավիճակներում: Այդ իսկ պատճառով, —հաղորդում էր Անկարայում հունգարական դեսպանորդ Ֆանոշ Վերելյոն Հունգարիայի պրեմիեր մինիստրին և արտաքին գործերի մինիստր Միկլոշ Կալլային,—սկզբում ես չէի ուղում հավատալ, որ Ադանայում, իրականում ոչինչ էլ չի կատարվել:

(«Венгрия и вторая мировая война». Секретные и дипломатические доку-

- менты из истории кануна и периода войны. Док. 157, с. 232. Վերջինի նկատիւրը Մ. Կալիքի, 1913 թ. փետրվարի 10—15)։
- 47 «Переписка...», т. I, док. 109, с. 88—89. Վ. Չերչիլը՝ Ի. Վ. Ստալինին, 1913 թ. փետրվարի 1—12,
- 48 «Венгрия и вторая мировая война», док. 157, с. 291.
- 49 «Переписка...», т. I, док. 109, с. 88—89.
- Սովետական կառավարությանը ուղղված Անգլիայի պրեմիեր մինիստրի հայտարարությունների «Կոնսպիկուո» և անգլո-թուրքական կոնֆերանսի համաձայնեցված հետևությունները պարունակում էին Ադանայի բանակցությունների բնույթի մասին ոչ լրիվ տեղեկություններ։ Այնուհանդերձ Թուրքիայի քաղաքականության անգլիական գնահատման բացառիկ լավատեսությունը ընդունվեց բավականին գուշակ («Переписка...», док. III, էջ 90—91. Ի. Վ. Ստալինը՝ Վ. Չերչիլին)։
- 50 «Венгрия и вторая мировая война», док. 157, с. 292.
- 51 «Венгрия и вторая мировая война», док. 157, с. 292.
- 52 A. Cretzianu. The lost opportunity, London (1957). p. 87.
- 53 Հյուս. В. Л. Исраэлян, Л. Н. Кутаков, Дипломатия агрессоров. Германо-итало-японский фашистский блок. История его возникновения и краха, М., 1967, с. 280.
- 54 У. Черчилль. Вторая мировая война, т. 4, М., 1955, с. 693.
- Թուրքական պետական գործիչները պնդում էին, որ «Գերմանիայի լիակատար պարտությունը ամբի՛ կտար Ռուսաստանին դառնալու մեծագույն վտանգը Թուրքիայի և Եվրոպայի համար» (F. von Papen, op. cit., p. 494—495; T. A'a'v Turkish Foreign Policy 1939—1945. Ankara, 1965, p. 107)։
- 55 Հյուս. В. Л. Исраэлян, Л. Н. Кутаков, указ. соч. с. 280.
- 56 Թուրքիայի արտաքին գործերի մինիստրը մի անգամ չէ, որ այն միտքն է արտահայտել, թե «Գերմանիայի հնարավոր պարտությունը կխաթարի հավասարակշռությունը եվրոպայում և քառս կտիրի։ Ուստի անհրաժեշտ է ինչ-որ կերպ կանխել դրա տարածումը»։ Մենեմենդիօղլուն գտնում էր, որ այն երկրները, որոնք ըստ էության կապ չունեն ներկայիս իմպերիալիստական պատերազմի հետ, պետք է կարգի և անվտանգության բոլոր կաղամկերպեն՝ սահմանափակելու համար քառսի տարածումը։ Նկատի են առնվում Թուրքիան, Հունաստանը, Բուլղարիան, Հարավսլավիան, Ռումինիան և Հունգարիան։ (Венгрия и вторая мировая война, док. 157, с. 291)։
- 57 «Венгрия и вторая мировая война», док. 157, с. 291.
- 58 «Переписка...», т. I, с. 392.
- 59 Дж. Эрман. Большая стратегия. Август 1943—сентябрь 1944, М., 1958, с. 232—233, 241; Documents on American Foreign Relations, vol. VI, с. 2 Կ
- 60 Միավորված ազգերի կաղմակերպությունը։ Թուրքիայի անդամություն հասցըլուովեց 1945 թ. փետրվարի 4—11-ը Յալթայում տեղի ունեցած ՍՍՀՄ-ի, ԱՄՆ-ի և Մեծ Բրիտանիայի կառավարությունների ղեկավարների Ղրիմի կոնֆերանսում։ («Тегеран—Ялта—Потсдам» Сб. документов, М., 1971, с. 157—158)
- 61 1944 թ. գալրանը, Թուրքական դիրքորոշման փոփոխությունը գերմանական Գլխա-

վոր շտաբի կարծիքով հետևանք էր սովետական զորքերի Ղրիմում և Սև ծովում տարած հաղթանակների: (Kriegstagebuch des Oberkommandos der Wehrmacht 1941—1945. Bd. IV/1, S. 810—811.)

62 1944 թ. ապրիլի 20-ին Մեջլիսում Մենեմենչիօղլուն խոսում էր Թուրքիայի մասին ոչ թե իբրև շեզոք պետության, այլ ինչպես «Մեծ Բրիտանիայի և նրա դաշնակիցների դաշնակցի»: «Եթե այնպես պատահի, որ Թուրքական ազգի շահերը պահանջեն, որ մենք մեկ անգամ ևս զենք վերցնենք, դա մեզ համար անակեղև լպիտի լինի: Եկեք զիտակցաբար և նյութապես միշտ պատրաստ գտնվենք.— շարունակեց հայտարարել Մենեմենչիօղլուն (ըստ T. Ataöv, cit., p. 121—122).

1944 թ. օգոստոսի 2-ին հետևեց Գերմանիայի հետ Թուրքիայի դիվանագիտական հարաբերությունների խզման մասին հայտարարությունը: Այդ քայլին Թուրքական կառավարությունը ցուցադրաբար ստիպողական բնույթ տվեց: Մի հանգամանք, որ լիովին համապատասխանում էր իրերի իսկական դրությանը, ինչպես ասում են՝ Թուրքիան և Գերմանիան «բաժանվեցին որպես բարեկամներ» («Правда». 30.8.1944; «Большевик» № 16, 1944; H. Knatchbull—Hugessen, op. cit., p. 202; F. von Papen, op. cit., p. 527; KTB OKW, Bd. IV/1 p. 679). Զսպոնիայի հետ Թուրքիայի դիվանագիտական հարաբերությունների խզումը 1945 թ. հունվարի 5-ին, իսկ հունվարի 12-ին՝ ըստ լենդ-լիզի սովետական Միություն բռնեեր տեղափոխող դաշնակիցների նավերի համար նեղուցների բացումը ևս արդյունք էր Արևմտյան դաշնակիցների չթուլացող ճնշման:

63 1945 թ. փետրվարի 20-ին Անկարայում անգլիական և ամերիկյան ղեկավարները տեղեկացրին Թուրքական կառավարությանը Ղրիմի կոնֆերանսի որոշմանը: Փետրվարի 23-ին Թուրքական կառավարությունը պատերազմ հայտարարեց Գերմանիային և Զապոնիային: Թուրքական կառավարությունը բացահայտորեն ընդունեց, որ այդ քայլին է դիմել իրեն առաջարկած պայմանների ճնշման տակ: «...Մենք պատերազմի մեջ մտանք գերմանացիների և ճապոնացիների դեմ՝ միմիայն դաշնակիցների պահանջով.— հայտարարեց Թուրքիայի պրեզիդենտը.— նրանց համար դա երևի ինչ որ նշանակություն ունեւր, որի համար էլ պնդում էին»։ (İnönü'nün Söylev ve Demeçleri, İstanbul, 1946, p. 394).